

國家圖書館藏

清代孤本方志選

綫裝書局

資

資

國家圖書館分館編

清代孤本方志選

(第一輯第十二冊) 安徽

廣德州志〔康熙〕二十六卷



睿覽欽奉

俞旨疊蒙

憲檄

榮

也不才敢不因舊增新

以昭

典制爰取成志徹底理會詮次合

例損益相宜彙帙廿六犁然肩列

爲目三十較若支分曾無掛漏

以俟再贅一詞焉獨是繼起之
職官選舉除申文報明相應接
續添附外茲有

安撫部院徐 禁革里排碑文

亟當載入藝文部中垂訓來者
蓋里排之爲害於民奚啻鳩毒
而禁革里排之有益於民如去

湯火旣勒諸瑣珉請傳之通志
使千百世之下之民仰沐

安撫部院徐 愛養之實惠千
百世之下之官遵守

安撫部院徐 釐剔之美舉豈
非有關於風俗政事之大者乎

康熙二十二年歲在癸亥孟冬

穀旦

奉直大夫知廣德州事二韓

門可榮識



廣德州志序

蓋一代之興經營草創洎乎重
熙累洽則文治聿宣所以為太
平之潤色也我

皇上承

太祖高皇帝

太宗文皇帝

廣平知州

世祖章皇帝三世之鴻庥宇內底定五

十餘年近則山無伏莽海不揚
波此正治極而文之時矣我

皇上疇咨雋茂裒益典章儀文度數
以次具舉上自

郊廟內而

朝廷外而鄉閭莫不勒有成書其大

者以銓叙則有品級考以見行
事例則有實錄他若修勝國之
史則

特命購啓禎軼事

御經筵之席則

特重孝經一書固已細大畢登幽明

咸貫矣獨是我

欽定四庫全書

朝幅幘萬里而

皇輿之記尚屬未備此者

允閣臣 衛䟽請令直省羣邑各修

地志以備採輯其式一以河南

陝西通志二書為準為目凡三

十曰圖考曰建置沿革曰星野

曰疆域曰山川曰風俗曰城池

曰河防曰封建曰戶口曰田賦
曰物產曰職官曰公署曰學校
曰選舉曰祠祀曰陵墓曰古蹟
曰帝王曰名宦曰人物曰孝義
曰列女曰流寓曰隱逸曰仙釋
曰方伎曰藝文曰雜辨

命下之日

憲檄嚴催乾惟州志始于明弘治
年次則重修于嘉靖年二書遠
不可考矣惟萬曆壬子一志為
時差近而舛譌謬誤殊難考信
國朝前守應山楊君舟為修輯考
核詳明剗剔精工稱善本矣但
以體例不合乾何敢假手成勞

上 濶

功令無已則揖州明經戈標文學
濮陽鄒姚錄王雲王翹等而進
之曰凡為志者非文獻莫徵文
則新舊二志備矣桑梓之地聞
見切確欲求故老舍諸君其誰
與歸况諸君者又皆與修前志

之人也三五年間雖無大更張
然人物孝義列女諸目最難
志彼前志既成之後其物論之
可否網羅之掛漏必有非一時
所得盡者茲則再操觚矣必虛
以採聽公以持衡詳以盡義嚴
以屬詞其為志日所有者著之

如圖考建置沿革星野疆域山川風俗城池戶口田賦物產職官公署學校選舉祠祀陵墓古蹟名宦人物孝義列女流寓隱逸仙釋藝文之類是也其為志目所無者闕之如河防封建帝王方伎雜辨之類是也于是延

之公廨朝夕編摩凡閱兩月而
告成嗚呼勗哉

昌期不再逢

盛典不易副徃者郡邑之志不過
備一方之掌故已耳未嘗以之
達

睿覽也今則

登天子勵精圖治于上

賢宰輔勅勦佐治于下凡茲郡邑
悉將繪其土風採入通志萬一
徼幸

重瞳偶及曰桐之土薄而物瘠也如
此桐之士愿而民樸也如此桐
之賦雖不登于上錯而猶畢力